


Жагъаннабла ца чехледипути хулби

Сари рухъна ва жагаси ахенси риалра, урхІла хъунул адамличи хериклес сен асухебирусси?

КъурамяхІяммад-ХІяжи Рамазанов

Дусла ванаси замана сабаибхели, бахъал бусурман хъунул адамти, палтарли бегІбирнила черкадти Исламла тІалабуни дулъули, адамтала ургар кІапІли диэс гІягІнители чарх-бекІра гъарг-дарили дурабулхъули саби. Ил багъандан, замана-заманаличир гІялимтани цархІилтала хІераназибад къаркъала кІапІбарес, ва асухебирусилчи хІердикІнилизирад хулби мяхІкамдарес гІягІниси биъниличила насихІятуни дурули саби. Асухебирусилчи хІердикІнилизирад хулби мяхІкамдарес нушала манзил челис-че къиянбулхъули саби. Ил секІайзирад гІелумдизес дебали къиянни саби или, нушани нушала баркъудлуми мардирули, нушала хІулбази нушани ихтияр бедес гІягІнили саби ибси ахІен. Пе, ишхІелла замана хІерхІейклес дебали къиянни саби, амма къияндешуначи цугли, адамлис итил дунъяличиб шабагъатунира лугути сари, сенахІенну хІядислизиб бурили саби: «[Се биалра барни багъандан] шабагъатуни лугути сари чекасибти къияндешуначи дурусди-кахъили». Масала, гъаларла замунтазир асухебирусси секІайчи хІердикІнилизирад адамли сунела хІулби гъар бархІи вецІна мяхІкамдирули виалри, ил багъандан илис илдицад шабагъатунира лугутири. Нушала замана биалли, асухебирусси секІайчирад даршна яра азирна хІулби чардаралли, даршал яра азир шабагъатуни дикахъес имканти лер. Илгъуна секІайчи хІулби хІерхІедарахъес дурхъаси Къуръайзив Аллагъ   викІули сай (мягІна): «Эй МухІяммад, бирхути мурул адамтази бура асухебирусси секІайчи хІерхІедикахъес хІулби гІяшкадуцахъес ва илизирад чула мурулдеш мяхІкамли дихІяхъес. Илкъяйдали илди умули кавлан. Мармарли, илдани бируси секІал Аллагъли   балуси саби. Илкъяйдали бирхути хъунул адамтази бура, асухебирусси



секІайчирад хІулби гІяшдуцахъес ва чула урезила мерани мяхІкамдирахъес!» (сура «Ан Нур», аятуни 30-31). Ат Табаранили бурибси хІядислизиб бурили саби: «Жагъаннабла ца чехледипути хІябал даражала хІулби лерти сари: Аллагъла   гъуни балтахъули, гъазават-лизир дускатхІеунти хІулби; Аллагъла   гъалар урухІули дисути хІулби; ва асухебирусси секІайзирад мяхІкамдарибти хІулби». ХІулбала шала – ЧевяхІсилли   нушаб пешкешдарибти бегІлара черяхІти нигІматуназибад ца саби. Илгъуна гІягІдеш багъандан, нушани

шукру бирес гІягІниси саби. Ишаб нигІмат ибси девла мягІна ЧевяхІсилли   акІахънила мурадлис хІулби пайдаладарни ибси саби. ЧевяхІсилли   нушаб илдала кумекличил дунъяла хІяжатуни ихъахъес, бирхути бусурман узбачи къабулли хІердикІлахъес, Къуръан, хІядисуни, динна жузи дучІахъес, гІялимтачи, шуйхрочи ва Аллагъличи   гъамти дурхъати адамтачи – авлиябачи – хІердикІлахъес ва, нуша алавси тамашаласи дунъяличи хІердикІули, ЧевяхІсила   къуват ва пасихІдеш аргъахъес или пешкешбарибси саби хІулбала шала.   3

Номерлизир:



Иш дунъяла нигІматуназибси нигІмат



Бусурмантани сен сунна гІелайзи арбихуси?



ШагІбан базла дурхъадешлуми

МигІражличила

МУХІЯММАД ИДБАГЛА   ДУГИЛА АРХІЯЛИЧИЛА ВА ЗУБРАЗИ АХЪУЦНИЛА ГІЯЖАИБДЕШЛИЧИЛА

МухІяммад идбагла   гІямрула хІекълизирти белкІаназир Исламла хазнурбачила ва мягІничебдешличила Исламла тарихлизиб гъачамцун ахІен чебаахъибси. Иличил кадикибти анцІбукъуни, цабутІаван, нушазі гІямру деркІахъес гІибратли дегарули сари. МухІяммад идбагла   гІямрулизирти бегІлара мягІничерти анцІбукъуназибад ца

саби Аллагъли   илис бедибси гІяжаибдеш. Ил анцІбукъ кабикибси саби идбаг   маккалантази Ислам къабулбарахъес махІкІули 10 дус дикили гІергъи ва, илис жавабли дихъубли, ил дукелцІиличи вирхъули, мучлаагарули ва гІымуркІахъули кали гІергъи.

МухІяммад Даудов

Идбаг Таиф (Иерусалим) шагъарлизи арякъи, хІурматла адамтачи дугъаизурли сай, илди Исламличи жибирули. Амма илди чарбахъили, иличи мехІурти ва биштІати дурхІни гъирбарилли саби. Илдази-вад гъавухъунси МухІяммад идбаг   шагъарла дублабси тІутІила анхІализив вагъариуб. Ил сагъ-саламатли витилри, къяшми хІили дашулри. Илав гІергъи ил дебали пашмай кайиб, децІлизи ви-

чили, Аллагълизибад   кумек тиладибирули. Ил анцІбукъ биубсири Хадижа ва МухІяммад идбагла   адавзи Абу Талиб бекІили гІергъи. Идбагличи – хІер чебегіуси мерличи саби баэс бируси, эмхІечиб ахъси ва эмхІерухъличиб гІяшси мицІираг Буракъ – сабукниличила. Идбаг ил мицІирагличи мурдали сапарли дуравхъун ва Байт-уль-Мукъаддас шагъарлизи ваиб.   4

Жагьил гјалимтала ва хјяфизиунала конкурс

Майла 18-19-личиб Хасавюртлизибси Саидбек Даитовла уличилси Исламла университетлизиб Лебил россияла жагьил гјалимтала ва хјяфизиунала 10-ибил конкурс бетерхур.

Исламла белчјудила заведениебазиб бучјути Россияла лерилра регион-тазибадти жагьилгани, гъамти ва гъарахъти республикабала вакилтани конкурслизир бутІакъяндеш дариб. Савгъатунала фонд«Киргули» акахъбусири.

Конкурсла оргкомитет цалабахъиб Дагъиста бусурмантала динна управление, вачарла «Киргу» юртла, С.Даитовла уличилси Исламла университетла жавабкардеш дихути адамтани ва исламла белчјудила цархјилти заведениебала гјалимтани. Оргкомитетлис бекјдешдариб ДБДУ-ла Председатель, муфтий ГяхІмад-хјяжи Гябдуллаевли. Пергъити номинацияби (жураби) хјясибли конкурс дураберкиб:

– дехІибала,

– хІифз,

– исламла гјилмурти.

Балбуц кел бутІализибад цалабикиб – чеббиркнила (отборочный) ва ахирласи (финальный).

Конкурсличир бутІакъяндеш дарахъес ихтиярбирулри чІянкли Россиялизирти исламла динна гјилму руркъути белчјудила заведениебала студентунас (мутагјалимтас). Конкурсличир ца белчјудила заведениелизибад 5 мутагјалимциун сарри бутІакъяндеш дирути.

«Къиргъули» кадизахъурти лерилра савгъатуни чедибикибтас комиссияла ихтияр хјясибли, илала Председательла ва лебилра члентала къулбасуна-

2. Хјясанов Тимирхан, ДР, Губденила ши;
3. Гябдулмажидов Гябдулмажид, ДР, Глохла ши.



чилцун сари дедлугути.

Цаибти савгъатуни: «Исламла гјилму» журализир – автомобиль («фольксваген»), «ХІифз» журализир – 3000 доллар, «ДехІибала» журализир – 1500 доллар.

Киибти ва хјябъити ва цархјилти гъаларти мерани дуцибтасра лерри цархјилти дурхъати савгъатуни. Чедибикибтала умала сияхІ:

«ДехІибала» журализиб

1. Асхјябов Ибрагъим, РЧ, Нойберла ши;

«ХІифз» журализиб

1. Рабаданов Хјусен, ДР, Новокостекла ши;
2. Гялиев МяхІяммад, ДР, Кироваулла ши;
3. Илъясов Гябдулла, ДР, Губденила ши.

«Исламла гјилмурти» журализиб

1. Муртазагялиев ГяхІмад, ДР, Хасавюрт шагъар, «Ашгари» медресе;
2. Имамалиев Асадулла, ДР, Хасавюрт шагъар, «Ашгари» медресе;
3. Гябдурашидов МяхІяммад, ДР, Хасавюрт шагъар, «Ашгари» медресе.

ДУМД-ла динна гјилмурти баяндирусиде делла мижитунала имамтачи дугъабиз

Къудратла вегІ Аллагълис деза биаб, МяхІяммад Идбаглис ﷺ, илала кулшетлис ва бархъябас даршудеш ва талихІ биаб! Шагъуртала ва шимала чузир жумягІ бархІила дехІибала дируси мижитунала имамтачи ДУМД-ла динна гјилмурти баяндирусиде делла дугъабиз.

Къуръа аятуни яра жумягІ бархІила дехІибалис гІергъи бирусиде дугъа убкахІелахъес багъандан, балахъула: ЖумягІ бархІила дехІибала таманбиубмад мижитунала имамтас чараагарли ишди аятуни, «аль-Фатиха», «аль-Ихлас», «аль-Фалаякъ», «ан-Нас» верхІна дучес маслигІят бирулра. ЖумягІ бархІила дехІибалис гІергъи хІерела (зугър) дехІибала дирути мижитунала имамтани биалли хІерела дехІибала дараб баягъи аятуни ва дугъа делчи гІергъи.

СенкІун Анасли ﷺ бархъибси хјядислизиб бурили саби: «ЖумягІ бархІила дехІибала дарибмад, къяшми ца мерличир лералли, «аль-Фатиха», «аль-Ихлас», «аль-Фалаякъ», «ан-Нас» аятуни верхІна делчІунсила лерилра бунагъуни чераркъян, ва илис рахІятдеш бирар.

Пяйшани ﷺ бархъибси цархІил илгъуна хјядислизиб баягъи гІятуни делчІунси итил жумягІ бархІи сабаайчи Аллагъли мяхІкамвиру или бурили саби.

روي من حديث أنس رضي الله عنه من قرأ إذا سلم الإمام يوم الجمعة قبل أن يثني رجله فاتحة الكتاب وقل هو الله أحد والمعوذتين سبعاً غفر له ما تقدم من ذنبه وما تأخر وأعطى من الأجر بعدد من آمن بالله ورسوله .

وروى ابن السني من حديث عائشة مرفوعاً من قرأ بعد صلاة يوم الجمعة قل هو الله أحد والمعوذتين سبع مرات أعاده الله بها من سوء إلى الجمعة الأخرى . وقال البارزي في كتابه فضائل القرآن خرج ابن وهب عن الحسن مرفوعاً قال من قرأ عند تسليم الإمام يوم الجمعة وهو ثاب إحدى رجله قبل أن يعطفها وقبل أن يتكلم قل هو الله أحد سبعاً وقل أعوذ برب الفلق وقل أعوذ برب الناس سبعاً حفظ له دينه ودينه وأهله وولده .

ويفوت ثوابها المخصوص ولو جعل يمينه للقوم ، كما نقله الكردي عن ابن حجر قال أبو طالب المكي : ويستحب له بعد الجمعة أن يقول " اللَّهُمَّ يَا غَنِيَّ يَا حَمِيدِيَّ مُبْدِيَّ يَا مُعِيدِيَّ يَا رَحِيمِيَّ يَا وَدُودِيَّ أَعْنِي بِحَلَالِكَ عَنْ حَرَامِكَ وَيُفْضِلِكَ عَمَّنْ سِوَاكَ وَيُطَاعَتِكَ عَنْ مَعْصِيَتِكَ . " أربع مرات . وقال الإمام الغزالي وَقُلْ بَعْدَ ذَلِكَ أَيِّ قِرَاءَةٍ مَا ذَكَرَ سَبْعًا سَبْعًا " اللَّهُمَّ يَا غَنِيَّ يَا حَمِيدِيَّ . . . الخ . وقال ابن مسعود رضي الله عنه من قال بعد قراءة ما تقدم " اللهم يا غني يا حميد يا مبدئ يا معيد يا رحيم يا ودود اغنني بفضلك عمن سواك وبحلالك عن حرامك " أغناه الله ورزقه من حيث لا يحتسب .

ونقل عبد الوهاب الشعراني نفعنا الله به أن من واطب على قراءة هذين البيتين في كل يوم جمعة توفاه الله على الإسلام من غير شك وهما : " إلهي لست للفردوس أهلاً ولا أقوى على نار الجحيم فهب لي توبة واغفر ذنوبي فإنك غافر الذنب العظيم . "

Дажалличила

Идбагла ﷺ хјядисуназибад багъесли саби, Дажал, МухІяммад идбагла ﷺ заманализивадал мицІирли левни. Идбагли ﷺ ил левси мерра якъинни бурули сай, амма ил сай дакІувиайчи чизибалра ил варгес имкан лебси ахІен.

Ислам ХІямзатов
islam_gamzatov@mail.ru

Их Дажал, МасихІул-Дажал сай, илини, сунела фитнабидра тІинтІдирули, сунес гІелабад чеббалкІунти адамтира арбикули, 40 бархІила бухІнаб лебил дунъа алавбиру. Гялимтани илдзивад халбирули саби, Мусайлаамату Каззаб, сайра, идбаг сайра или, Абу Бакр халифала заманализив дакІувиубси. МасихІул Дажал биалли, хјядисуназиб бурули къяйда, гъачамис дакІувиубси ахІен.

Дажалла фитнализивад се барили верцес вира.

Дажал дакІувиънила лишантазибадди саби, лебил бусурманти ца бируси, имам Магъди дакІувиъни. Ил анцІбукълис христианти «Армагеддон» или бикІар. Дажал дакІувиънила кІиеси лишан, бусурмантани Константинопл (Стамбул) буцни саби. Хјябал дебали къианти дуслира Дажал дакІувиурни чебиахъу. Цаибл дуслизиб Аллагъли заклиз хъарбиру, хјябал бутІала ца бутІа, ванзаличи хъурабируси шинкІадешла тІашаахъес. Ванзализи биалли, бегІунси секІа, хјябал бутІала ца бутІа тІашаахъес хъарбиру. КІиеси дуслизиб, закЛИ, шинкІадешла, хјябал бутІала кІел бутІа тІашкайгу, ванзалира, илкъяйда, бегІунси секІа хјябал бутІала кІел бутІа хІелуга. Хјябъэси дуслизи закЛИра ванзалира чузибад дурабулхъуси гъар секІал тІашкайгу.

Адамтас беркеси се бетарара? Муъминти «ла илагъа иллалагъу валлагъу акбар ва лиллагъуш хІямд» ибси гъайли лукъахъу. Нушаб ил дебали гъамадсин кабилзули саби, амма адамти леб ил бурес хјебирути, ва илдара саби бегІла язихъ бирули, гашализибад бубкІути. Дажал дакІувиэс гъалаб, кризис, гаша, тІинтІидирар, хІуркІби шинни делгъан. Шинни бицІибси Ефрат булан белгъан.

Чузирадли нуша Идбагли ﷺ махдирути 4 секІал лер, илбагъандан, дехІибайзиб бегІла гІергъеси ташагъуд (атгахІийят) белчи гІергъи балга (дугъа бирутира), сунезибра Аллагълизи 4 секІайзибад берцуди тилабирули:

1. Хјябла гјязабтазибад
2. Цала гјязаблизибад
3. МицІирдешлара бекІалара питнализибад
4. МасихІ-Дажалла макурузибад.

Учредитель Благотворительный фонд «Путь». Газета печатается по согласованию и одобрению Духовного управления мусульман Дагестана	Главный редактор Айна (Патимат) ГАМЗАТОВА	Менеджер Абдусабир АХМЕДОВ	При перепечатке ссылка обязательна.	Адрес редакции 367015, РД, г. Махачкала, ул. Аскерханова 13а. Тел.: (8722) 51-85-22.
Редакционный совет Председатель редакционного совета муфтий РД Ахмад-хаджи АБДУЛАЕВ заместитель муфтия РД Мухаммад ДАВУДОВ	Редактор Ислам ГАМЗАТОВ Канонический редактор Мухаммад ДАВУДОВ Корректор Нурулгъуда РАЖАБОВА Дизайн, вёрстка Лейла ГУСЕЙНОВА	Газета зарегистрирована Федеральной службой по надзору в сфере связи, информационных технологий и массовых коммуникаций. Свидетельство о регистрации ПИ № ФС 77-42079 от 24 сентября 2010 г.	Набрано и сверстано на компьютерной базе газеты «Ас-Салам». Отпечатано в ООО «Дом печати» по адресу: пр-т Акушинского, 20. Заказ № _____ Сдано в печать 31 мая 2012г. в 20:00 Тираж 3.000 экз.	По вопросам подписки и доставки обращаться по телефону: по Республике Дагестан — 8-988-699-28-24 по г. Махачкале — (8722) 914-222. e-mail: assalamw.b@gmail.com; www.assalam.ru

Жагъаннабла ца чехледути хулуби

1 « Илди мурадуна хулуби пайдаладарни - Чевяхисилизи ﷻ шукру барни саби. Эгер нуша урхъла хьунул адамтачи хердиклахелли, илдала четегхеибдешуначила пикридиклахелли, нушаб гибси нигматлис баркалла хедикни иргъахула. Дурхъаси Къуръаннизиб бурили саби (мягъна): « Марлирагу хушани, нуни гибти нигматуни багъандан шукру баралли, нуни сеннира хушаб нигматуни имцадирисра, рахли капур диалли [шукру хебарили, дила амрулис геларад хядякъи] марлирагу дила гъзаб цакъси саби» (сура «Ибрагъим», аят 7).

Имам аль-Гъазалини белкун: «Хед асухебирусиллизирад хулуби кел секлал сабабли секлайзир мяхкамдарес гягънили саби.

Цаибил сабаб: хулуби чедиути лерилра секлал хед диути ахен. Асухебирусиллизирад секлайчирад хулуби чардарес гяхидадла гъмадди саби, хулуби чебаибси секлал сархес херни балукъи, херизурли чебаили, гур инжигиубличив.

Кибил сабаб: Чевяхисилизи ﷻ хед хулуби гибти сари иш дунъяличир илди хулуби белгиси мурадличил пайдаладирахъес, итил дунъяличир биалли – илдачил Аллагъ ﷻ чейэс. Эгер хулуби иш дунъяличир илди асухебирусиллизирад секлайзирад мяхкамдарес хейадди, чебяхиси ил нигматлизирад хулуби улхънила (Аллагъ ﷻ чехлейънила) халаси урехи леб». Эгер асухебирусиллизирад секлайчи хапли хулуби дархъдизалли, илизиб бунагъ агара, амма асухебирусиллизирад секлайчи хербарни, иличиб хер тпашаъни яра иличи кинайсра херизни – бунагъ саби. Расулуллагъ ﷺ виклусири: «*Эй Гяли, Алжанализиб хед хасси мягдан леб. Гъачам херизурси мерличи кинайс хермалзад. Цаибил хер хед саби (ил*

багъандан хед бунагъ хебиур), амма кибил, тикрарбарибси хер-хед заралласи саби (ил багъандан хед бунагъ биур)» (АхИмад).

Ил багъандан, эгер асухебирусиллизирад секлайчи хапли хулуби хердизалли, итмаданал иличивад чаряхъес ва тавбадарес чебиркур. Асухебирусиллизирад секлайчи херизни, ил нушала диннис загъру саби.



Хулуби асухебирусиллизирад секлайзирад мяхкамдарнили урклиличиб иман дебабиру ва нушани Чевяхисилизи ﷻ гягъат бирнила гяхидеш бални имцабирар. Расулуллагъ ﷺ буриб: «Аллагъ ﷻ виклули сай: «Асухебирусиллизирад секлайчи херизни – ил шайтла агъладарибти ургназибад ца саби. Дила гъалаб урехи лебли, асухебирусиллизирад секлайзирад хулуби мяхкамдарибсиллис Нуни иман имцабирахъис ва илини сеннира сунела урклилизиб ил динна муридеш хисаббиру» (Табарани,

Хияким).

ГяхИмадди ва Табаранини бурибси хядислизиб белкни саби: «Хьунул адамла кегебдешуначи хапли хер бархъбизурси ва итмаданал [Аллагъ ﷻ багъандан] ил чебарбукибси гъарил бусурман адам Аллагъли ﷻ тлягъатличил шабагъатуналавире ва илала урклилизи иманна муридеш хьурабирахъу».

Асфгаганини бурибси цагъатли хядислизиб белкни саби: «Къямала бархли, Аллагъли ﷻ къадагъабарибси секлайчибад хер арбухитти, (гъавазатлизиб) Аллагъли ﷻ гъуни балтахъули хедусули калунти ва Аллагъли ﷻ гъалабси урехили чузирад тентла бекладалра кунтИрачил нургъби клантИдиклуги хедиубла, хедисуги хулуби хедирар».

Гъарли-мартти Гялимтазибад бахъла пикри хясибли, шаригъатла шайчибси сабаб хебиубла, урхъла хьунул

адамличи хериклес асубирусиллизирад ахен, хятта ил рухъна ва жагаси ахенсиралра. Цацабехити гялимтани бурни хясибли, чучи иштхъи дулхънила урехи лебхебиалли, някъбачи ва дяхъличи хериклес асубирусиллизирад саби. Ахертти узби, сен-сен хериклес гягънили гъатли, бекличиб клана агарли, михъири гъаргбарили, хьуцрумачи даайчи някъби-къашми члянкдарили башути хьунул адамтачи, хаслира пляжлизибти хьунул адамтачи?!

Бусурман адамлис къадагъа бирули саби къуда канилара къукъубалара ургарти мурул адамла чархъла бутначи хериклахъес булан, илкъяйдали илди цархилти мурул адамтачи чедиахъесра асубирусиллизирад ахен. Тяп илкъяйдали хьунул адамтасра асубирусиллизирад ахен цархилти хьунул адамтала чархъла бутначи херриклес ва илдази чула чедиахъес. Асубирару илис глергъи мурул адамтас урхъла хьунул адамтала чархъличи херриклес, хьунул адамтас биалли – урхъла мурул адамталачи? Илала чебад пикрибухъес чебиркур хямамтази ва пляжунази башути адамтас.

Хурматла узби ва рузби! Аллагъли ﷻ нушаб зарал хебирусиллизирад секлал къадагъабирули ахен. Асухебирусиллизирад агъуличил гьудурбарибси варъаличи мешуси саби, хятта илини нушаб лаззат бихусиван билзули биалра. Эгер нуша Чевяхисилизи ﷻ къадагъабарибти секлайзирад гелумхедизахелли, сен-сен дирутира Аллагъли ﷻ гъарли-мартти лугърира или диклес?

Аллагъли сарра ﷻ нуша аклахъубти. Ил багъандан, нушани Илала амру бихес гягънили саби, сегъунтилра суалти хелугули. Эгер бунагъласи секлал нушазибад кабикалли, тавбадарес ва Аллагълизибад ﷻ урклеци чевверхни тлалабарес чебси саби.

Зулму барибси адамличивад чевкерхни

Цаличи ца дугъадилзухели нушаб беглара хебиуси чердурхни саби. Хядислизиб бурили саби: «Хед зулму барибси адамличивад чевверхни».

МухИаммадрасул Сягъадуев,
МяхИячкъалала бекИ мижитла имам.

Амма ишбархли зулму барни багъандан адамличивад чевверхес ибси пикри беклизила хякъян. Цацахели къалли нуша хапли дурабикибси гягъниагарси ца гъайличирад чердерхес дирули ахенра. Ца гъай байбси саби узидешличи душмандешла мугъур кабахъс багъандан. Цацахели адамли, къас-къасли хедурибти диалра, вайти гъай гямру кадерхайчи хьумхертти. Нуша цаличирад цаца дев багъандан чердерхес дирули хедиахелли, цакадар мягъничебси секлайчила се диклес дирехле?

Чевурхес бални – тамай Аллагъличи ﷻ бирхуги адамтала, шейханала ва авлиябала къиликъ саби. Чевяхисилизи ﷻ Къуръайзиб бурули саби (мягъна): «Чевурхиличи чекайзи, аданти гягъдешличи жибирен, секлал хебалугазивад гъарахъли уэн» (сура «Гъалабизуни», аят 199).

Адамти цархилтала кам-хъашти секлайчибад чебберхес хебирар, чузирад кадикибгачибад биалли чебабурхар.

Ишбархли дьягъаватла (Исламлизиде адамти жибирнила) гъуйчиб бусурмантас – жагъилтасра, халатасра – Идбагли ﷻ ва илала балликъянабани чекасибтала даршал бутлала ца бутлара чекасес къадарбирули ахен. Сунела гъамтазирад ва тухумтазирад илини дахъал уркъбяхъуни чекасиб. Ил рухлалашал, цакакличил увяхъири, хъулилад дуравирхъи. Аллагъли ﷻ душмантазирад цали ил дехлибала дирусиллизирад замана гяндушес булан къасбариб. Идбаг ﷻ Мадинализиде гечууб. Чумал дус дикили глергъи ил сунела балликъянабала гяскарличил ва някълар ярагъличил, чедибдеш сархис сайливан Маккализиде чарухъун. Идбаглис ﷻ дьяв багъахъурти адамтачи бекла херлири, сенахленну дьятала историлизиб илис гъалав цалра полководец цархил тяхъарли дуравхъунси ахенри. Илди халаси урехилизиб тамбихличи херли кабиб.

Амма Идбаг ﷻ сунела шагъарлизи гяшбуцибси бекличил ухънавхъун ва хулуби ахъхедарили, сунела дагла душмантази хъарбаиб: «Хушала пикрили, нуни хушаб се бириса?». Илизи жаваб гиб: «Хулуби гъайгъайра, гягъдешчун бирид». Идбагли ﷻ иб: «Хушаб сегъуналра уркъбяхъ агара. Аллагъ ﷻ чевверхаб хушачивад!»

Чевяхисилизи ﷻ Къуръайзиб Идбагла ﷻ ил къиликъличила буриб (мягъна): «Чевяхисила ﷻ урклеци хясибли,



хулуби илдази клантИдеш чедаахъири. Ил Аллагъли ﷻ урклеци саби. Эгер хулуби чурхси ва къаркъси урклила вегИ виадлири, илхели илди шали-шайчи гъабулхъи тугубири. Аллагълизи ﷻ тиладибара илдачивад чевверхахъес». Илис глергъи Идбагла ﷻ гъалабла душмантани къукънадли Ислам къабулбариб. Ил хабарлизиб адамти Исламлизиде жибиругас халаси дарс ва насихИят леб. Дургъбала цализив Идбаг ﷻ галгала дяхъицилиу бамсри-ахъес кайиб. Иличи дигъянали някъ-

лизиб шушкличил душман гъамиуб ва хъарбаиб: «Гъанна хулуби набзивад чили валтахъари?». Идбагли ﷻ жаваб гиб: «Аллагъли ﷻ». Итмадан душма някълизибад шушкла кабикиб ва Идбагли ﷻ ил някълизи касили, хъарбаиб: «Гъанна хулуби чили валтахъари набзивад? Бура: Ца Аллагъли ﷻ ахенсиралра Иллагъли левси ахен!». Душман илди дугъби дурес гелумизур, амма бусурмантачи къаршили гур дьявлизиде дурахъевхъес чесиб. Идбагли ﷻ ил ваткаиб. ➤ 4

МигІражличила

1 « Илини сунела Буракъ лебилтра идбагунани чула мицїраг дилгъуси мьвалиси бигун, мижитлизи ухІнавхъи кїел ракъагїятла дехїбала дариб. Пур илавад дуравхъун. Илхїели алжанала чягїрла ва ниъла тїалхїяналичил Мухїяммад идбагличи ﷺ Жабраил гъамиуб. Идбагли ﷺ ниъ чердикїи. Жабраилли Идбаг ﷺ мубараквариб ва буриб илала уммат бархъси гъуйчиб бирар или. Пур илди кїелра заклич абацїиб ва Жабраилли къапу абхъахъес тиладибариб. Илизи хъарбаиб: «Ху чи сайри?» Илини жаваб гїб: «Жабраилра, Мухїяммадличил ﷺ варх». Илдас закла къапу абхъибхїели, Мухїяммад идбагли ﷺ Адам Идбаг ﷺ чеиб. Илини Мухїяммад идбаглис ﷺ салам бедиб ва Аллагълизи ﷻ сунес кумекбарахъесра тиладибариб. Пур илди кїибиб заклиз абацїиб. Илдала къапу абхъахъесра Жабраилли тиладибариб. Илизи гъалартигъунти суалти дедиб, ва илдас итхїелигъунти жавабтира чардариб. Илкъяйдали бетаур гъарил заклизиб. Кїибиб заклизив Идбаг Марьямла урши Писачил ва Закаръяла урши Яхїячил къаршиикиб, хїябїбилличив – дунъяла байхъала жагадеш сунес бедибси Юсуфличил, авъїбилличив – Идрисличил, шуїбилличив – Гъарунничил, урег-ибилличив – Мусачил, верхїїбилличив – чус 70 азир малаик даим алав сабашуси Байтуль-магїмурличи хъарихунси Ибрагїмличил. Пур илди нурлизивад акїахъубси халаси галгала мякъла байб. Иличиб ахъси даражаличи чїлра ацїес вируси ахїен, хїятта Жабраилра вархли. Илала гъала тїашбизурхїели Жабраилли иб: «Ишаб набчи хъарси таманбирули саби. Эй, Аллагълис ﷻ *всїахъан, ца гъатїи ганз кацїасли ну игузира*». Мухїяммад идбаг ﷺ гъайиуб ва ил Аллагъла ﷻ нурли алавуцїиб, илала гъалар пардавти гъардиуб ва илини дахъал дигїяндешуни ва Аллагъла ﷻ гїяламатуни чедаиб. Ил

Аллагъла ﷻ чевяхїдешличив ва жагадешличив хїеризур ва Чевяхїсилли ил сунечи гъамиахъуб. Чїлра ургакъяна агарли иличил гъайкавхъун. Илала хїурматбирни чебаахъиб ва умувариб. Аллагъ ﷻ заманала ва мерла дурав сайри. «... Аллагъли ﷻ *набчи ва дїла умматличив дуги-хїерила духїнар шуцїалидехї дехїбала дїражхес хъарбариб*.



Пур ну Мусачи кацїира. Мусани набзи хъарбаиб: «Се хъарбариб Чевяхїсилли ﷻ хїела умматличив». Нуни жаваб гїра: «50-дехї дехїбала». Илини иб: «Чарии Чевяхїсилличив ﷻ ва кункдешуни тиладидара, сенкїун хїела умматли илди чекасес хїебирар, нуни къалли Израїлла дурхїнала цїакъани халдарира, илди нуни багъурра». Ну Чевяхїсилличив ﷻ чарухъунра ва тїладуухъунра: «Я Аллагъ ﷻ, *дїла умматличив уркїецибара*». Илини ﷻ шудехї дехїбала камдариб ва ну Мусачи чарухъунра. Илизи иличила бурра. Мусани иб: «Марлира, хїела умматли илди чекасес

хїебирар. Чарухъен Чевяхїсилличив ва уркїецибаракъа». Илкъяйдали ну Мусачивад Чевяхїсилличив ва илавад чарулхъули калунра, Аллагъли шудехї дехїбала калахъайчи, Аллагъли набзи «Гъарли-марли биалли, *дуги-хїерила духїнар илди шудехї дехїбала сари, ца дехїлизиб вецїдехїлизибцад мягїна леб ва шуцїалидехї дарибсилисцад керї биуси саби*.

гїяжаибдешлара ургаб дебали букїулси ва гъамси, дехїбала – рухїлашалси, мигїраж сари дїкїахъес нушаб имкан лугуси бархбас лебси саби. Дехїбала – лерилра баркқуддумала хъулчи сари. Илди чедетаахъили дирнили, Аллагъли ﷻ хїу чейула ибси пикри уркїилизи кабурхахъу. Чевяхїсилли ﷻ хїу чейула ибси пикрили, хїезиб Илизибад ﷻ урехи алкїахъу, Ил ﷻ разивиахъес ибси къас хїезиб имцїабїру, масала, гъайикїухїели къяна хїебуру, чесибси таманбиру, игъдибар марбиру, къияндикїи хїели сабурбиру, уркїецибарни багъандан баркаллаикїар. Къуръайзиб бурили саби, адам, сунес къияндикалли, сабурагарсили, паргъатагарсили ветарар, сунес давла баалли – кїир-кїирсили, илала дурабад, сунела заманаличир дехїбала дирусили, Чевяхїсилли ﷻ лерилра секїал чедїгъни ва лерилра секїал дїкъни балули, Ил вачавяхъахъести лерилра секїайзибад гїелумилзан: илини урхїла хъунуйчил гъамдеш хїедиру, чичїлра гъимихїедулхъахъу, секїайчи мяштїхїейрар, адамтала ихтиюрти хїедулъа, илди къакъахїебиру, сунела хъалибаргла, унрубала, гъамтала, тухумтала ихтиюрти хїедулъа, сенкїун Къуръаннизи белкїи саби, дехїбай сай адам убяхїси ва лайикъагарси секїал хїебарахъес махїруси. Дехїбайчи мутїгїдеш агарси ва Аллагъ Лерил секїал чедиан ва Лерил секїал дїкъан вигъниличила багъес хїейгуси адам Аллагъли лайикъси танбїхїлаварили вирар, сенкїун Мухїяммад идбагли ﷺ бурибси саби: «Дехїбай Адам гїяхїти баркқуддумазивад мяхїкамхїейрули виалли, ил Аллагъличивад ﷻ гъарахъїркахъу». Илкъяйдали Аллагъла ﷻ уркїеци саби дуги-хїерила духїнар дехїбала шудехї дїгъни. Гъар дехїбала дируси замана гъамбиубхїели, вирхусилизи сунела Чевяхїсилличила ﷻ гъанбиркахъу.

Зулму барибси адамличивад чевкерхїи

3 « Ит биалли чулатачи чарухъи буриб, сай бегїлара гїяхїси адамличивад вакїлра или, сенкїун ил сунечивад чевкархїниличив хїерли ахїенри. Анасли бурули вири Идбагличи ﷻ агъулабарибси дїгъличил жугъутї хъунул ракїиб. Идбагли ﷻ малаиклизивад иличила багъур ва ил дїгъ хїеберкун. Илини ил хъунуйзи аргъахъиб илала дїгъ агъула бси биъниличила. Жугъутї хъунуй илди гъай мардариб ва Мухїяммад ﷺ вебкїахъес ракїибсира или буриб. Идбагли ﷻ иб: Аллагъли ﷻ ил секїал хїебалти или, вайнукъя раткаиб. Чувивад чи-биалра чевверхурти адамти къиямала бархїи «агъуль хїакъ» – адамдешла ахъси даражала бегїти саби. Хїядислизиб бурили саби: «Къиямала бархїи тїамала бикїид: «Айна агъуль хїакъ» (чеббурхантї чинаба?) Адамдешла чихъси даражала дегїти адацїирая Алжанализи. Илхїели чебкабурхантї адамти багъарбарар». Идбагли ﷻ бусурмантас къадагъабїрули саби 3 бархїиличиб имцїали гъимбукїили кавлахъес. Илини буриб: «Бегїлара гїяхїси сай гъимукїни тїашаили юлдашличи салам бедили ухїнавхъес вякъунси, ва илхїели ил Аллагъли ﷻ чевяхївиру». Авлиябачила ва хїурматла адамтачила гъайдикїахїелли, илди лебталалра илгъуна хасдеш бири. Чучи саби дебали къаркъти бири, чула бегїлара камси хатїаличибадра илди чебхїебурхи. Бурули бирар, Идбаг ﷻ дебали гїясивирси чула баркъ-батлизиб Чевяхїсила ﷻ къанунтала дазурби дугъутї адамтачицун.

Наб бахъал адамти къаршибикиб бунагъуни дирути цархїилти адамти марбарес гъундури даргес хїебирути. Сабира бунагъунази гїелабикибти биаллира, чула бунагъуни чехїедиули, чучибад илди чебкабурхули саби. Хїятамул Ассамли буриб, Аллагъличив ﷻ лехїлехъибти хїела уркїи-рухїличи (нафс) гъими хїедухъахъи виадли, Аллагъличив ﷻ лехїлехъибти цархїилти адамтачи гъими буцни бархъси ахїен или. Машгъурси вали Абу Язїду Бастїамичи Аллагъ ﷻ гъаникахъибхїели сунела чарх лехїлехъїан бирулри. Ил багъандан илини абзур дус дяргїибти шин хїедержиб, сунела къаркъала лехїлехъїни ва азгъинни биъни багъандан тамбїхїлабирули. Чебкабурхес балниличибли имамтира декларбулхъули бири. Имам Малик пачяхїли сабабагарли танбїхїлаварибсири: илала бекїлизи гїярчумагличил дяхъибтири. Илини ибсири бегї гъалаб гїярчумаг чегибмад сунес дирхъусиличивад чевкерхурри или. Иличи мешуси анцїбукїлизив имам Гїяхїмаддїра тїп ил сабри барибси. Нушаб нушала хъунрала дахъал хатїабачир чевкадурхес чебуркъули бирар. Пе, хъунрира нушачибад чебкабурхули саби. Чебкаберхес хїебируталацун бирар хъалибарг декларбиркуси. Буресцад сабаб агарли хъалибаргунни пашихъули сари. Ил секїал чула дурхїнала къисмат сегъуна бирарал пикрихїебурхъи хїятта дїбгїян-хъяш секїайзибра цаличибад ца чебберхес хїебирниличибли саби бетаруси. Жагъил адам хъунуйзивад декларїркули вирар сабур хїебиъниличибли ва чевкерхес хїерниличивли.



Каабул Ахїрар викїуси сай: «Хъунуй алкїахъути тїягїямагартї анцїбукъуни чекайсусилис Аллагъли ﷻ Айгуб идбаглис дедибтицад нигїматуни луга. Сунела мура чурхдешличивад черкарерхес сабурбарибси хъунуйс биалли Асиятлис пешкешбарибсигъуна керї бедили бирар». Чевкерхїниличивли тїягїямагартї дахъал анцїбукъуни черардукес вирнила мисалти дахъал лер. Цархїилличивад чевкархїнила ахъси даражала къїиликъїличил жагадїахъес Чевяхїсилли нушаб ахъри габ. Нуша лебтачирад Сайра чевверхаб. Амин !!!

Ислам ва унраदेशла адабуни

Ишхелели къяркъси ва бархибси замана-лизирра унраличичи уркѣцибирнича, илала хѣурмат барнича Исламла адабуни дяхѣлиничичи хѣунтѣна вавниван гѣячихъли, гъеч пулукѣхѣдиубли чедиур.

Исмагѣл Ибрагъимов

Ишхелла шуртѣразир унраदेशла адабуначила Исламла багъудлуми гѣинтѣдарни ва илди хѣясибли гъарил хѣриѣни Алагълис чихъси гѣибадат саби.

Диванна бархѣлиничичи вирхуси, уркѣлизиб такъва лебси бусурмай унраличичи уркѣцибиру, илала хѣурматбиру, сунес барили (бурили) хѣйгуси унралисра хѣбиру (хѣбуру).

Гѣяхѣти унраदेशли бусурма дунгъяла гѣяхѣти баркъуддумала жуз декѣбиахъес дахъал имканти алкѣахъу.

Унраदेशличил дархдасунти Исламла цацадехѣ тѣалабуни ишдигъунти сари:

1. Аллагъличира къяямала бархѣлиничичи вирхусини унра чевяхѣвараб.
 2. Унрубазии халбирар авалра шайчидяхѣти авѣали юрт. Хѣла къапуличичи къапу дяхѣчиси унрала гъалаб хѣла чеблал халаси саби гъарахътала гъалабан ахѣи.
 3. Иман лебсини сунела гъимилничил унруби тѣйдихѣбиру, бачахѣбирхъу, гъимхѣбуркѣахъу.
 4. Унрани хѣези «Кумекбара» алли, ил кумекличил гѣвуца.
 5. Ил зягѣипхѣли, иличи гъаввикѣн. Илала разидеш биалли, мубараквара.
 6. Унрала ихтияр агарли илалайчиб ахъси юрт белшни гѣяхѣси ахѣн (иличибхѣл булхъуси дяхѣлис гъалабиз бетхѣахъес). Илгъуна тѣалаб чебетуир унрала азбарлизи хѣрбикѣуси улкъайличичи.
 7. Цѣдеш асадли, ил пайлавара. Ил пайлаварес къас агарли биалли, цѣдеш чехѣдаахъили хъули ардуха. Чѣдаахъирив-пайлавара.
 8. Унрала дурхѣя хумархѣйахъес багъандан, някълизиб цѣдешличил хѣла виштѣаси урши къакъала вархъмайид (унра пайлахѣрибхѣли).
 9. Унраличил беркала бутѣс къас агарли биалли, хѣядурбируси бизиси хурегла тѣем иличи мабашахъид.
 10. Унрала дигѣяндешуни дигѣяндара.
 11. Унраличичила буриси бугътайчи лехѣихъуси ахѣн.
 12. Унра архѣяличивхѣли, илала юртличичи хѣрикѣни дигѣси саби.
 13. Хъалчи аѣили унрала азбарлизи хѣрикѣуси ахѣн.
 14. Ихтилат бухъанбитѣахъес, унрализи дугѣла суалти имѣадарес асухѣбирар.
 15. Унра гъиммаркѣахъид, писгѣевмалгад. Ил къяянти хѣял-тѣабигѣятла виалли, сабурбара.
 16. Унралис шалати дяхѣличил гъуниван, илала хѣурматбара, иличи уркѣцибара.
 17. Сунела унраличил дегѣла гѣяхѣти бархбасуни кадизахъурси Аллагъла гъалавра вегѣла гѣяхѣси сай, сенкѣун ил барни Аллагълис гѣибадатла ца жура саби. ва ц. Къуръан хѣясибли, унрализи халирар сунечил архѣяличивси, сунечил узуси, сунечил учѣуси.
- Хиядис: «Гъачам» расулулагъли иб (набзи): «Я Абу-Зарр, дѣл лухъуѣли, шин имѣадара ва унрубачи къайгъи дакѣубара» (Нергъ унралисра духес багъандан, шин имѣадара).
- Бусурман динни вегѣла унрала илкъайда ахъли хѣурматбирни тѣалаббурили саби.

Иш дунгъяла нигѣматуназибси нигѣмат

Нуша лебтанилра аргъибси саби дугели барибси тѣягѣятла гѣяхѣдешличила. Хиядисунала цализиб бурили саби, идбаг ☞ левихѣив гъар дуги чевхѣергъили, шаладикайчи усуси адамличила. Иличила идбагли ☞ иб: «Ил шайтѣа арилизовси адам сай.»

Хиялимат Шатиева

Идбагли иб: «Дугели (дехибала дарес багъандан) адилзена, сенкѣун ил нушала хала бегѣтала гѣядатласи баркъудили бирусири. Дугели дехибала дарес адилзни – Аллагъличи гъамирничис ва бунагъуназивад умувирничис, чарх-бекѣла излумазивад сагъирничис ва бунагъуназивад мяхѣкамирничис сабаб саби».

Идбагли ☞ иб: «Бегѣлара гѣяхѣти – дугели чараагартти дехѣбайс гѣергъи, дай дуги дирути дехѣбала».

Аль-Хиясан аль-Басрани буриб: «Марлира, адамлизивад бунагъласи баркъуди кабиркули саби, ва иличибли ил дугели алзнилашал Аллагъла ☞ шайзибадси кумеклизи-вад мяхѣруммурули сай».

Аль-Фузайль ибн Гѣиязали буриб: «Эгер хѣу дугели алзес ва хѣрели дубурцес хѣйрули виадли, багъи – хѣу гѣяхѣдеш барес ибси Аллагъла ☞ кумеклизивад улхъулри ва хѣла бунагъуни дахъдаили сари».

Дугели айзурли дехибала дарес хъуликѣусилис насихѣятуни

Дугели дехибала дарес алзни адамтас декѣси хѣянчи саби, Аллагъли ☞ ил керила баркъуди гъамадбиахъес багъандан, дуралати ва духѣналати шуртѣри акѣахъубтас хѣбиубли гѣергъи.

Дуралати шуртѣрачила

гъайдикѣахѣлели, илди авал лер.

1) Халаси къадарлизиб беркала эберлес, сенахѣнну иличирли адамли дахъал шинкѣадеш дужа, иличиб гъанкѣ чѣдибиркур, ва илхѣли илис дугели алзес къяянбулхъан.

2) Хѣрели баркъуддумазиб чархла биркѣанти дамселси ва нервоби эхъдиесли мадузуда, сенахѣнну илинира адам гъанкѣличичи витѣкѣу.

3) Хѣриэргъила къантѣси гъанкѣ камавлахъидая, сенкѣун ил Идбагла ☞ суннат саби, дугели чевиргъахъни кункѣбиахъес багъандан маслигѣтбируси.

4) Хѣрели бунагълати баркъудлуми кахѣедикахъес къасбарая, сенахѣнну илини уркѣи къяркѣбирахъу ва чѣдибад уркѣци касахъес диргалабулхъан.

Аль Хиясан аль-Басризи чилирил хъарбаиб: «Эй Абу Сягѣид! Ну ара-сагъли ва дугели алзес хъуликѣули калхъулра, ил багъандан дазала дарести гѣягѣниахъълуми хѣядурдиурла. Амма наб се бетатурли хѣбалулра? Ну шакикѣулра набчи азгъиндеш дашниличичи ва алзули ахѣнра».

Илини жаваб гѣиб: «Хѣу хѣла бунагъунани вигъири». Суфъян ас-Саврили буриб: «Дила ца бунагъ багъандан, ну дугели алзахъес шел базлис Аллагъла ☞ кумеклизивад ухъунра». Илизи хъарбаиб: «Се бунагъ сабрив ил?» Илини жаваб гѣиб: «Нуни висуси адам чеира ва набзи нуни ира: «Ил

гѣердиран сай».

Илала сабаб гѣяхѣдешли гѣяхѣдеш алкѣахънилизиб, вайдешли вайдеш алкѣахънилизиб саби. Камси такъсирли халасиличи виахъули сай. Лерилра бунагъунани уркѣи чурхбирахъули саби ва дугели улхѣес илди диргаладулхъули сари ва уркѣиличи заралласи асар бируси секѣл – асухѣбируси (хѣярамси) хурег пайдалабарни саби. Асубируси берка камси бутѣалира уркѣи умубирахъу ва ил гѣяхѣдеш барахъес хъуликѣахъу. Дехѣбай адам жяргати ва къабулхѣдарести баркъудлумазивад мяхѣкаммурули къяйда, жяргадешли дехѣбайзивад ва цархѣилти гѣяхѣти баркъудлумазивад адам улхъахъу.

Духѣналати сабабтачила

гъайдикѣахѣлели, илдира авал сари.

1) Бусурмантачи лерти гъимиллизивад ва къасдешлизибад, диннизирти зараллати сагадешуназибад ва шала

ахѣи, дугела дехибала дирухѣли цархѣил секѣйчила ца анталра хѣйхъниличичи вирхичила цѣакъ (иман) – ил бегѣлара халаси гѣяхѣбаркъла баркъуди саби. Ва дехибала дируси адамлис Чевяхѣси ☞ дигахъалли, илис Иличилисшун гъунибаънира (халватра) дигахъу ва дурхъаси Аллагъличилси ☞ дигѣянаси лякъирлизибад илини тѣягѣям кайсу, ил баркъудили биалли дугила дехибала дируси замана бухъанбитѣахъес хъуллхъахъа. Аль Фузаль ибн Гѣийядли буриб: «Берхѣи гѣелабикалли, ну Аллагъличил ☞ декѣарли ихтилатикѣес багъандан дуги чесабиѣниличичи разивирис, гѣянручѣлабаалли набчи адамти лякъънича пашмандеш баули вирус». Абу Сулайман ад-Даранини буриб: «Дугурби дехѣбайзир дуркѣутани халаси тѣягѣям кайсу, шала дунгъяла сяхѣбагъуназибад ва чула масхуртазибад кайсусиличиб.



дунгъяла чеимѣцати къайгъназибад уркѣи мяхѣкамбарни, сенахѣнну илди баркъуддумазии вархибси адамлис дугели алзес гъамадли хѣбирар. Айзаллира, селичилалра пикриикѣес хѣйрар сунела челукъути масъултачила ахѣи. Илала пикруммура чучи шайтѣай гъирирути баркъудлумачилацун дирар.

2) Лерилрара-сера умутуназивад мяхѣрумвишагу ибси, уркѣилизибси урехи, сенахѣнну вирхуси итил дунгъяла къяяндешуначила ва балагъуначила пикриухъалли, илкъайдали жагъаннабла гѣязабтачила пикриухъалли, илала итмадан гъанкѣ бетихъур ва урехи имѣабирар.

3) Дехибала дарес багъандан дугели алзни Къуръанна аятуначи, хиядисуначи ва Идбагла ☞ балликъянабала ва илис гъалабти бунагъагартти адамтала хабуртачи лехѣахъили, иличибли адамлизивад умут ва чѣдирадти шабагъатуниуначи иштѣахѣ имѣабиахъес багъандан улхѣнича мягѣна иргъахъу, сенахѣнну ил гъаргъдешли Аллагъла ☞ гъалаб илала даража ахъбирахъу ва Алжанализив ахъти даражлумачи виахъу.

4) Аллагъли ☞ сунела уркѣилизир кадиркути лерилра секѣл чѣдиѣни баули ва илди уркѣиличи дурхъути гѣячихъдешуни – Чевяхѣсила ☞ иличи дугъазини биъни баули, Аллагъличи ☞ диги ва сай Акѣахъубсиличичи дугъаилзницун

Дуги хѣбашуси биалри ну шала дунгъяличив калес хѣйгахъири». Гъялимтазивад цали иб: «Алжанала агъули, илала дурабад дугели Аллагъла ☞ гъалаб «Гѣяхѣулабирути» адамтани Иличилси дигѣянаси лякъирла муридеш чула уркѣбазиб бургнила кайсуси тѣягѣямличил цугбурцеси шала дунгъяличичи селра агара». Ибн аль-Мункъадарли буриб: «Иш дунгъяличичи тѣягѣямласи селра кали ахѣн, хѣябал секѣл ахѣнси: дугели алзни, динна узбачил гъунибаъни ва дархли дирути дехибала». Аллагъ ☞ вагъуртазибад цали иб: «Гѣянручѣла замана Чевяхѣсилси ☞ хѣбусути адамтала уркѣбахѣи хѣриру ва илди нурили дирѣу. Дигѣянати гѣилмули илди уркѣбазии гъуни бургу ва илдани шаладиру, гѣур ил нур «ара-сагъти» уркѣбазивад дазуагартти уркѣбазира тѣинтѣбирар». Багъи, илди уркѣцила шабагъатунини чѣдирад имѣаливан дугели дирар дашути, сенахѣнну илхѣли сари уркѣи имѣали умуту ва Аллагъ ☞ хъумуртахъути аги-къайдализирад илди аздадулхъути. Жабир ибн Гѣябдулагъла хиядислизиб буриливан, Расулулагъли ☞ иб: «Дугели ца сятѣят лебси саби, эгер Аллагъла ☞ лагъла Чевяхѣсилличичи ☞ бяхѣчаибси балга иличил цугбикалли, Илини ил балгала мурад бетарахъу». Илала къабудеш сархес багъандан, нушази дуги-хѣри гѣяхѣил дуркѣахъес Аллагъ ☞ нушаб икъалавиаб.

Бусурмантани сен сунна гелайзи арбихуси?

Суннатлабирни, яра гїилмулизиб белкїунси тяхїярли, циркунцизия – мурулдешла беклибиубси биркїа бехличибси кам чеббирхъни саби. Гъаннала замана суннатлабирни-ла хирургунани гьаладихьибти деклар-декларти чумал жура кьаршидиркули сари.

Мухїяммад Алимчулов

Медицинали бикьридеш дирули сари суннатлабирни-ла профилактикала ва гигиенала шайчиб халаси кьадри лебниличила. Баягъи ил сабабли гїяхїцад жугьутїуни ва бусурмантани ахенти адамтани чула дурхїни биштгали лебалли суннатлабирни саби. Суннатлабирни ишбархїи США-лизиб хирургунала беглара тинтїси операция саби, Америкализиб ил сагали акїубти дурхїнала 80 процентлис бирули саби. Израиллизиб ил лугїи 98 процентличи абиркули саби. Ил операция дурабуркїуси саби андрологияла шайчиб хасси багьуди лебти хирургунани.

Идбагунала ва расултала амру Акїубси бархїи халхлебарили, верхїибил бархїи дурхїя суннатлаварни идбагунала ва Аллагьла расултала амру саби. Бусурмантас баягъи акїубли гїергъи верхїибил бархїи дурхїни суннатлабирни дебали мягїничебси анцїбукъ саби. Хїядислизиб бурили саби: «Мухїяммад идбагли ☞ сунела рурсила дурхїни Хїясан ва Хїусен акїубли гїергъи верхїибил бархїи суннатлабарибти саби» («Аль-Мугїжам ас-Сагьир ат Табарани» № 891). Балугьлаваибхїели суннатлаварни бусурман адамлис чараагарсили бетарули саби. Жугьутїунала диннизил суннатлабирни-ла анцїбукьунас хасси мягїна беддугули саби. Жугьутїунани ил гїядат чебетаахьили бузахъу ва дурхїни акїубла гехїибил бархїи суннатлабирни. Дурхїя виштгали левалли суннатлаварни гїяхїдеш сунени сунела кьаркьала балан виубхїели ил секлал саби-сабил бетарурсиван илис гьанарар ва илис гьанбиркур сай илкьайдали акїубсира или. Беклил декларси анцїбукъ саби дурхїяли секлал гїяхїли балан виубли гїергъи суннатлаварни. Урши илхїели хїяйзивад ухъес асубирар. Иличи чевкьар илала изала чекасес ва урухкїуси ветаэс асубирар. Гьайгьайра, виштгасила психика сунела мерличи чарбулхъан, амма гїягїнилиз гьатїи иличил пайдалавирес?

Суннатлабирни гелайзи армабихидая Цацабехїти бусурмантала, ил лугїилизиб Северный Кавказлантала-ра урши суннатлабирнилис хасдарибти сяхїбатунни дируси гїядат бетарули саби. Илхїелира держличил дархдасунти. Гьайгьайра, держла бержес шаригїятли кьадагьабируси саби. Лебилра-деклар беглани, гїяхїлира жибарили, илдигьунти сяхїбатунни дарес бирули ахїен, ва илдани илди сяхїбатунни дарес арц учикадахъес багьандан дурхїя суннатлабирни-ла анцїбукъ гелайзи арбихули саби, иличибли Мухїяммад идбагла ☞ суннара гелайзи арбихули. Дурхїяла беглти яра иличи хїеруди бирути адамтани ил масьалала чеб-кад духуси хїукму дурасес чебси саби

ва динна амруличи дурусбикахьили, дурхїни акїубли верхїел бархїи биубли гїергъи суннатлабирес чебси саби. Ил сунна гїямрулизиб дурабуркїули беглани виштгасила арадешра гїеббурцули саби, ил ара-сагъли халаваахъес багьандан лайикьти шуртїира алкїахьули сари. Суннатлабирни гелайзи арбихни-ла цайли-цаси сабабли бирар дурхїяла арадеш нукьсанни биъни. Илгьуна анцїбукьилизиб дурхїя суннатлабирни-ла баркьуди тухтуртани ихтияр барайчи гелайзи арбухес асубирар.

Беглгачи ва тухтургачи дугьабиз

Урши суннатлабирни тухтургачил вягїдалавиубли дураберкїни гїяхїсири, илдани гїяхїил бала суннатлабирни-ла кьадриличила ва чараагардешличила. Идбаг ☞ Мадинализи вакибхїели, илини чебаиб Мухїяррам базла вецгьибил бархїи (Гїяшурала бархїи) жугьутїуни дуббурцули.



Илини илди дуббурцинила сабабли-чила хьарбаиб. Ва илизи жаваб гїиб ил бархїи Аллагьли ☞ Пиргїяван кагїяхъили Муса идбаг верцахьибси сай или. Ил багьандан Чевяхїси Аллагьлис ☞ баркалла балахъули илди ил бархїи дуббурцули буили саби. Илхїели Идбагли ☞ иб: «Мусачи хїушачир нуша гьамтира», – ва ил бархїиличибад Гїяшурала бархїи дуббурциниличибли чебяхїили бетарурси саби. Тяп илкьайдали дурхїни суннатлабирнилизибра бусурмантани жугьутгачиб гьалаб башес гїягїнили саби. Дурхїни сунела заманаличиб ва сунналичи дурусли суннатлабиреная ва ил секлал гелайзи армабихидая. Хїушала дурхїни халабаибхїели, хїушаб илди баркалла биклар. Дурхїни суннатлабирниличил кьайли рурсби суннатлабирни-ла гїядатра бузахъули саби. Илинира хьунул адамла чархла биркїантаци гїяхїла шайчиб асар бирули саби. Ил масьала дебали бехїзиси биъни багьандан камли ахьбурцули бирар. Имам Гїяхїмадди ва Абу Давудди нушази багьахьур Усайба ибн Кьуляйбала хала дудеш Аллагьла Расулличи ☞ вакїили хьарбаили сай: «Нуни гьанна Ислам кьабулбарилра». Илхїели илизи Расулуллагьли ☞ буриб: «Хїу хїерхни-ла гьез хїечирад лайдакїа ва хїу суннатлаварахъа». Бухари ва Муслим имамтани чула

сахїхїунази балахъуливан абу Гьурайрани бурибси саби Расулуллагьли ☞ шел секлал дузахъес адамти жиби-рутири: суннатлабирни, урезила мер лугїни, супелти кьантїдарни, никуби чердирхъни ва шалкїурти гьез кьибдирни». Идбагуни-ургав суннатлабарибтазивад ца Мухїяммад идбагцун ☞ ахїенну 13 гьатїира идбаг буибти саби. Хїера илдала умї: Адам, Шис, Нухї, Шугїяйб, Лутї, Муса, Гьуд, Салихї, Юсуф, Закария, Ханзала, Яхїгьа ва Сулайман («Игїанату Тпалибин» 4/173).

Се багьандан саби ил бируси?

Статистикали балахъуливан, устадеш-личил суннатлаварнили: – жихї башути гьундураиб изала бетарнила урехи камли бирар; – жура-журала жьарга излумази, илдала лугїилизиб ВИЧ-лизи виркнила урехи камбирар; – мурулдешлизиб ракла изала бетарнила урехи камбирули саби; – хьуна дурхїнуглизиб изала бетарни-ла урехи камбирар.

Суннатлаварес гїягїнили биънилис дурхїнас сабабли бетарули саби фимоз (мурулдешла беклибиубси биркїа бехличибси кам кьакьа-биъни, сунечибли мурулдешла биркїанна бекї гьаргьбахъес имкан хїебикїахъуси). Камла илгьуна аги мурулдешла биркїан умули бихїяхъес диргалабулхъан. Иличибли биалли илаб изала бетарес асубирар, илхїелира жихї башуси гїярхїилис зарал алкїахъули. Халата-лара фимоз бетарули гїергъи бирар кам чеббирхъуси, амма ил гелайзи архїебухили барес гїягїнили саби. Бехличибси кам хьунул адамтасра урехилиси саби – кабизахьурливан, илар детаурти няс хьунул адамла дярхїнуглизир калалли, илар демдри детаэсра асубирар. Бусурман хьунул адамтала ва жугьутїунала хьунул адамтала дярхїнуглизиб рак дебали камли кьаршибиркули бирар цархїилгачил цугьубцибхїели, ил – мурул адамти суннатлабирни-ла гїяхїдеш саби. Бусягїятла замана лебил дунгьала арадеш бихїнила организациали маслигїятбирули саби ВИЧ инфекция дебали тинтїбиубти улкназибти мурул адамти суннатлабарихъес. Ил политикалис хьулчили детарули сари Центральная Африкализир дурадеркїибти хїялумцїлала баянти. Иличи дурусли, суннатлабирни-личибли ВИЧ инфекциялизи биркутала лугїи камли саби.

Сивак пайдалабирни

Сивак сен-сен бузахъуси? Гьала гьала мурчїла ахирличиб 5 см-лацад мер, хьябшбарили, камлизибад умубиру, гїур чїямбиру яра ил мерличиб щетка бетайчи кьакьличил кьутїбиру. Иличил цулби дурала ва дурхїнала шайчир чедетаили умудиру. Сивакличил бегї гьалар цулби ицусилис кьаклаб горчица-лагьуна цигїила кьутїкьуси ва рурцїахъуси тїем бирниличи хїядуриэс чебиркур.

Мухїяммад хїяжи ас-сивухъи

Амма бизили гьягїбикїуси эфирла гїявадешли алкїахъуси илгьуна тїем лебнили сивак гїяхїси ва пайдаласи биънилис бикьридеш дирули сари ва ил тїемличи адам жьавли бурсикайрар. Баягъи сивакличил кукьби, кьакларти цацадехї мерани суркдарнили ва, иличил барх, эфирла гїявадешли лихїбачи, хїулбачи, кьянкьиличи ва кьаркьайчи гїяхїлашал асарбирни кабизахьурли саби. Илкьайда сивакличил кьак суркбирнили даргамахла ва уркїила бузери ункьбихахъули саби. Адамла гїякьлу ва дагьри вебкїайчи саркьили кавлахъули сари. Илкьайда, уркїира бирхахъули, нигетра барили, сивак пайдалабирни-ла адамла гїямрулизиб дахъал дармунтала мер бурцес бирули саби. Арадеш мяхїкамбарес кумекбируси арак галга Аллагьли ☞ халкьилис гїибси гьарли марси савгьат саби. Чузир жагьти кьялуи делхьунти шин бемдни, кьикїа канилабси дяхъи арабарес пайдалати сари. Баягъи кьарла горчицали тїемдикїути кїапри, мерла адамтани хуреглизи кадирхьутири бизиси тїем бакїахъес ва валрибас дугенилис кадирхьутири. Кїапризрад садитїунти адамла кам рурцїахъути шин ревматизмала веглїи пайдаладирутири. Илди шин держалри сегьуна-дигара журала агьула виубси адам аравирули. Вавназибси эфирла гїявадешлизиб адам чевсаргьахъуси асар леб. Дерахъубти вавназирад дарибти тунтти чяйли адамла кьаркьайс ряхїятдеш алкїахъу. Бизили тїемдикїути цїедеш мерла адамтани канпетунала мерличир пайдаладирули кали сари. Илала дурабад илди адамла арадешлис дарманнатира сари: уркїи бячундешла хїяйзивси чевсаргьахъу, жихї гьалакбиру, варглизибад дурабулхъахъуси гьава гьалакбиру. Галгала камлиубад башуси кьир, бизили гьягїбикїуси саблин, косметикалати ваяхїлизи кабурхусири. Жьавти замунтазиб чянкїси авлахъиличиб хїербирути адамтани палдали чараагарли гїягїнили зела мер бурцусири. Сивак цулби умудиранцун хїебиъни хьумхїертес гїягїнибиркур. Ил багьандан ил пайдалабарес гьалаб уркїиличиб Аллагь багьандан ният барес чебиркур.

Зикру бирнила хасдешуни

Зикрула хьулчиданси къадриличила дахьал х1ядисунани бурули саби. Идбагла х1ядислизиб бурули саби: «Зикру бирусилара х1ебирусилара деклардеш мицирсилара вебк1ибсиларагъуна саби».

Къурбан-Х1яжи аль-Щудахъари

Чевях1си Аллагъ гъануршнилис зикру бик1ар (дахълихъ-азкар), хъумартнилис – гъафла. Аллагъ зумали гъануршни – Иличи дигила лишан саби. Расулуллагъли иб: «Чис се дигахъалра, илини иличили имц1али гъанбуршу». Аллагъли адамличи хъарбариб, Сай мурталра гъануршахъес. Зикрули – Аллагъ зумали гъануршнили адамла урк1и нясдешлизибад (гъибат, бугътан, халаурхни, рият чебаахъес себиалра бирни) умудиру, сапуй палтарван.



«Аллагълис зикру бег1ла г1ях1си баркъудиличибра, мургъи ва арц харж-дарниличибра, Аллагъла гъуйчиб душманти кабушниличибра, Аллагъла гъуйчив сай кавшниличивра дигеси саби, илини (зикрули) Аллагъла гъалаб х1ушала даража ахъбиру». «Сай х1ябла г1язабтазивад уцахънилашал адамла цалра баркъуди зикруличибад чедибхъес х1ебирар». Мискинтас сунела давла бурт1усиличив, Аллагълис даим зикр бирусил г1ях1си сай. Къуръайзиб Аллагъли амрубариб: «Ну гъануршабая, Нуни х1ушара гъандуршура». Х1ядис къудсилизиб Аллагъли иб: «Нагагъ ил набчи ватихъалли, Ну иличи дуцилхъас». Зикру барни – Аллагъличивях1 ваши саби. Зикру бирутачила Аллагъли иб: «Наб зикр бирути Наб дигути саби. Илдала авидлизи чи вак1алра, Ну иличивад чевурхус». Х1у зикру бирниличивли чувивад Аллагъ чевурхутала къукъялизиб виэн. Аллагълис зикрулис Зикруллагъ бик1ар. Х1ядисли бурни х1ясибли, урк1или (т1ама дурахъеили) барибси зикру т1ама дураили белч1унсиличиб 70 - йнаили къиматла саби.

Г1ялимтани зикру бирнила даражаби кадизахъур:

1. Урк1или бут1акъяндеш х1едируси зикру (урк1и дуньякад къяйц1си, гъапулси, с1яйси, чедих1ярт1си).
2. Урк1илизи гъабик1уси, амма илаб минах1ебирусил зикру.
3. Урк1илизи ункъли каг1бси, урк1и бицибси зикру (царал сек1а ила къайг1иличил ах1и, сабил ах1ебициур).
4. Урк1илизибад зикру арбякъи, Аллагъцун калунси зикру, урк1и Аллагъ бетаурси камилси зикр. Гъайгъай, зикру х1ябъесил ва авъесил даражаличиб бирес хъарси саби.

Сунела жузлизиб Сяг1ид Афандини белк1ун: «Зикру х1ебирнили адам дех1ибала х1едирниличичи ва вайти баркъулдумачи арку. Дех1ибала дирусилис зикр бирес вец1наличи х1яжатси биалли, дех1ибала х1едирусилис ил х1яжатдеш даршнали имц1аси саби». Пикрилизи каса халаси г1ялимла ва устазла гъай. Баягъи ил жузли 70 азирла зикруличичила буриб: «Исламла г1ялимтани чебаахъиб вебк1ибси бусурма рух1лис 70 азирла зикру барнили халаси г1ях1деш биру или. Нагагъ чили-биалра г1ямрулизиб сунени зикру баралли, яра ил вебк1ибх1ели царалли ил бурибси къадарла зикру дураберк1алли, ил сабабли вебк1ибси жагъаннаблизivad акъувалта». Идбагла х1ядисли чебаахъули саби, нагагъ умуси урк1иличил 70 азирла сунес зикр баралли, вебк1ибси жагъаннабла ц1ализивад урцахъу или».

Амма зикрла цалра журнал бусурман паризаби дурусли детурхахънилизивад акъух1елта. Бурули саби, Сай гъануршути адамти баргахъес Аллагъли хаста малайкуни декларбариб или.

Зикрули (пикрилизи каса):

- Вайти ц1акъани дянгиу.
- Аллагъ ﷻ разиру.
- Ризкъи имц1абиру.
- Х1урмат халабиру.
- Нукъсандешуназивад дубдубли умуиру.
- Щут1ни-къунбазивад мях1камиру.
- Урк1ила излуми арадиру (х1ясаддеш, къясдеш, г1ясабия, гъибат, бугътан ва ц.).
- Урехилизибад урк1и умуиру.
- Мунафикъдешлизибад мях1камиру.
- Къаркъа арадеш ункъбиру.
- Урк1илизибад Аллагъ ах1енту дураиу ва ц. Г1ях1мадличивад бак1ибси х1ядислизиб бурили саби, «Субх1яналлагъ», «Алх1ямдулиллагъ», «Ля илагъа илля ллагъ», «Аллагъу акбар» Аллагъли чердик1ибти дугъби сари или, ил багъандан «Субх1яналлагъ» ибсилис 20 г1ях1ти баркъуди лук1а ва илала 20 вайти баркъуди урису, «Аллагъу акбар» ибсилисра «Ля илагъа илля ллагъ» викусилисра илгъуна савгъат г1еббиур, урк1и-урк1икад «Алх1ямдулиллагъи раббил г1ялямин» ибсилис биалли 30 г1ях1ти баркъуди лук1а ва 30 вайти баркъуди черису. Муслимличивад бак1ибси ил х1ядисла вариантлизиб бурили саби, «Субх1яналлагъ», «Аллагъу акбар» ибти дугъбани «зубралара ванзалара ургала бурцу» или. Х1ядислизиб бурили саби «адам г1ях1силчи г1ярварнила, вайси бирнилизивад г1елумизахъес бурибси ва Аллагъ гъануршнила ах1енси царал гъай, адамли ахиратлизиб диргаллабулхъан» или. Дунгъа биалли ахиратлис белг1уси хъу саби. Сабухъ илаб бургу, бурчу.

Шяг1бан базла дурхъадешлуми

Илала цацадех1 хасдешуни: цаибил – ил базлизив дубурцини г1ях1ил чебиули саби, к1иибил – ил базлизив бараатла дуги леб.

1. Шяг1бан базлизив дубурцини

Г1яйшатни ﷻ, бурибсири: «Идбаг ﷻ дубуриуцири, нуша ил гъачамалра укуси ах1ен дик1если, дубкалтусири, ил гъачамалра дубуриуци ах1ен дик1если, ва нуни Идбаг ﷻ, Рамазан базлизив ах1енси, авзур баз дубуриули чех1еура. Ва нуни Идбаг ﷻ чех1еура Шяг1бан базлизиван вахъх1и дубуриули».

2. Шяг1бан базла г1ергъисигъуна барх1и

Ил барх1и яра г1ергъитигъунти к1ел барх1и дубурцахъес къадагъабарибси саби. Иличила Идбагла ﷻ х1ядислизиб бурили саби: «Ташмишик1уси барх1и чи дубуцалра, ил Абу Къасимли (идбагли ﷻ) ибсилчи лех1лехъибси сай». Ташмишик1уси барх1илизи буйг1уси саби Шяг1бан базла бег1ла г1ергъиси (х1ябц1алиэсил) барх1и. Илкъяйда бик1ути, Рамазан баз сабаилил ах1енал х1ебалули, адамти ташмишбик1ух1ели саби. Абу Къасим Мух1яммад идбагла ﷻ чеу саби.

3. Базла к1иибил байхъайчив дубурцини

Шяг1бан базла к1иибил байхъайчив дубурцини х1екълизир г1ялимтани деклар-декларти пикруми дурули сари. Цабех1ти бик1ули саби базла к1иибил байхъайчив дубурцес асух1ебирар или, царх1илти – ил замана дубх1евцини г1ях1ил саби ва асух1едирути г1ергъити к1ел барх1ицун сари или. Х1ябэстани биалли илди бурх1назив дубурцини г1ях1ил чебиули саби. Дубурцес асух1ебирниличичила гъайбик1ути ишгъуна х1ядисличи хъарихъули саби: «Шяг1бан базла 15 дик1ибх1ели дубмадуриудая». Или биалра, чедиб гъанбушибси тях1ярли сай дубурцес кадизахъурти бурх1ни белгидарибсилис дубурцес ихтияр лебси саби. Илди бурх1назив дубурцес асубирар бик1утани биалли бурули саби ил х1ядис бархъсил ах1енал кабизахъурси ах1ен или, яра Рамазан базличив дубурцес ц1акъани ах1ердируси базли хасбарибси саби или. Илкъяйдали, Шяг1бан базла цаибил байхъайчив дубх1евцибсилис базла к1иибил байхъайчив дубурцес асубирусил ах1ен.

4. Бараатла дуги

Бараатла дугиличилара г1ялимтала пикруми деклар-декларти сари. Цабех1гани бурули саби Шариг1ятлизиб ил баз декларбарес хъулчи агарсири ва г1ур дак1убиуиси г1ядат саби или. Илгъуна пикри, цабут1аван, бурибсири имам аль-Къурт1убили «аль-Бидг1я ва ан-нагъю г1ангъа» бик1уси жузлизиб: «Г1ябдурях1ман ибн Зайд ибн Аслямли буриб: «Нуни нушала цалра шейх я факъигъ чех1еура, Шяг1бан базла байхъаличибси дугиличи пикри бях1чиаибси, ва Макхульли бурибси х1ядис тикрарбарибси, ва илдани ил дуги царх1илти дугурба-чиб имц1али дурхъаси саби или буруси».

«Аллагъли ﷻ лерил Сунени ак1ахъубтала къисматуни Шяг1бан базла байхъайзибси дуги чех1ердирути сари, мушрикунтала ва бусурман узичилси бархбас х1ябал барх1иличиб имц1али бердахъибтала ах1ентала бунагъуни урисути сари». Идбагли ﷻ бурибси саби: «Шяг1бан базла байхъайчибси дугилизив Аллагъ ﷻ гъарли-марли бег1ла г1яшси закличичи кайц1уси сай ва «Къальб» жинсла мазала масла балализирти гъезбала луг1иличиб бахъал адамтала бунагъуни уркайсути сари».

БАРААТЛА ДУГИ БУЧИУСИ ДУРХЪАСИ БАЛГА

بِسْمِ اللَّهِ الرَّحْمَنِ الرَّحِيمِ . اللَّهُمَّ يَا ذَا الْمَنِّ وَ لَا يَمَنُّ عَلَيْهِ يَا ذَا الْجَلَالِ وَ الْإِكْرَامِ يَا ذَا الطَّوْلِ وَ الْإِنْعَامِ لَا إِلَهَ إِلَّا أَنْتَ ظَهَرَ الْأَجِينَ وَ جَارَ الْمُسْتَجِرِينَ وَ أَمَانَ الْخَائِفِينَ . اللَّهُمَّ إِنْ كُنْتَ كَتَبْتَنِي « كَتَبْتَنَا » عِنْدَكَ فِي أَمِّ الْكِتَابِ شَقِيًّا « أَشَقِيَاءَ » أَوْ مَحْرُومًا « مَحْرُومِينَ » أَوْ مَطْرُودًا « مَطْرُودِينَ » أَوْ مُقْتَرًا عَلَيَّ « عَلَيْنَا » فِي الرَّزْقِ فَامْحُ . اللَّهُمَّ بِفَضْلِكَ شَقَاؤَتِي « شَقَاؤَتَنَا » وَ حِرْمَانِي « حِرْمَانَنَا » وَ طَرْدِي « طَرْدَنَا » وَ اقْتَارَ رِزْقِي « رِزْقَنَا » وَ أَثْبَتْنِي « أَثْبَتْنَا » عِنْدَكَ فِي أَمِّ الْكِتَابِ سَعِيدًا « سَعْدَاءَ » مَرْزُوقًا « مَرْزُوقِينَ » مُوَفَّقًا « مُوَفَّقِينَ » لِلْخَيْرَاتِ فَإِنَّكَ قُلْتَ وَ قَوْلُكَ الْحَقُّ فِي كِتَابِكَ الْمُنَزَّلِ عَلَى لِسَانِ نَبِيِّكَ الْمُرْسَلِ يَمْحُو اللَّهُ مَا يَشَاءُ وَ يَثْبُتُ وَ عِنْدَهُ أَمُّ الْكِتَابِ . إِلَهِي « إِلَهَنَا » بِالتَّجَلِّيِ الْأَعْظَمِ فِي لَيْلَةِ النَّصْفِ مِنْ شَعْبَانَ الْمُكْرَمِ الَّتِي يُفْرَقُ فِيهَا كُلُّ أَمْرٍ حَكِيمٍ وَ يَبْرَمُ أَنْ تَكْشِفَ عَنِّي « عَنَّا » مِنَ الْبَلَاءِ مَا أَعْلَمُ « نَعْلَمُ » وَ مَا لَا أَعْلَمُ « نَعْلَمُ » وَ مَا أَنْتَ بِهِ أَعْلَمُ إِنَّكَ أَنْتَ الْأَعَزُّ الْأَكْرَمُ . وَ صَلَّى اللَّهُ عَلَى سَيِّدِنَا مُحَمَّدٍ وَ آلِهِ وَ صَحْبِهِ وَ سَلَّمَ .

Бисмиллагъи ррах1мани ррах1им.

Аллагъумма, йа залманни ва ля йуманну г1алайгъи, йа заль жалали валь икрами, йа зат1тавли валь инг1ами, ла илагъа илла анта загъра ллажина ва жарал мустажири-на ва аманал хаифина.

Аллагъумма ин кунта катаптани (катаптана) г1индака фи уммил китаби шакъий-йан (ашкъия), ав мах1румани (мах1румина), ав мат1рудан мат1рудина, ав мукътарран г1алаййа (г1алайна) фи рризкъи фамх1у.

Аллагъумма бифазлика шакъавати (шакъаватана), ва х1ирмани (х1ирманана), ва т1арди (т1ардана), ва икътара ризкъи (ризкъана), васбитни (ваасбитна) г1индака фи уммил китаби саг1идан (суг1адаа) марзукъан (марзукъина) муваф-факъан (муваффақина) лилхайрати, фаиннака къулта ва къавлука х1акъкъу фи китабикал мунзали г1ала лисани набиййикал мурсали: «Йамх1у ллагъу ма йашау, ва йусбиту, ва г1индагъу уммул китаби».

Илагъи (илагъана) биттажаллил аг1зами фи лайлати ннисфи мин шаг1банал мукаррами лати йуфракъу фигъа куллу амрин х1аким, ва йубраму ан так-шифа г1анни (г1анна) минал балаи ма аг1ламу (наг1ламу), ва ма ла аг1ламу (наг1ламу), ва ма анта бигъи аг1ламу, иннака антал аг1аззул акрам. Ва салла ллагъу г1ала саййидина Мух1аммадин ва алигъи ва сах1бигъи ва саллам.

Дехибайзир хиябал ракагъят дарирара, авъал ракагъят дарирара или шакикалли се биру?

Веги кайзурси камсигуна бурцу (хиябал ракагъят) ва айзурли авесилра ракагъят биру. Вегили балхлебалули ил ракагъят имцаси биэс асубирни багъандан, салам гес гъалаб, клел хатлала сужда дарни суннат бирар. Дехиба тамандиубли гьегъи шакикалли, ца ракагъят батниличи яра ца рукну батниличи, дехиба детарар, зарал хебиру. Амма дехиба ухнава яра тамандиубхели ният барили, вайтла барирара или шакикалли, дехиба сагали диру. Рахли дазала, яра дехиба тамандиубли гьегъи ца рукну батни кайзурли балалли дехиба сагали диру.



«Ху бусурман ахенри» или хьунузи алли, магъар белхулив?

Эгер муруй гьарли-марли илди дугъбази илгуна мягна кабихъиби виалли (бусурман ахен ибси), ва мурул хьунул ургаб гьамдеш бетхлеур биалли, илди дугъби дурули итмадан илдала магъар кабирку. Амма илди ургаб цаличил ца гьамдеш бетаур биалли, илхели мурулли илди гъай ибхейчивадал, гинддала замана чербетерхайчи сагадан Ислам дин къабулбаралли (шагъадат бухили), магъар кахлебирку, ил заманала бухнаб илини Ислам къабулхлебаралли, илди гъай дурибси манзилличивадал ил хьунузивад декларикибси ветарули сай. Ислам къабулбирнила чараагардеш даклубулхули саби иш мисаллизиб, хьунузи ху бусурман ахенри ибси заманаличивадал сайра капур ветарни багъандан. («Тухфатуль мухтаж»).

Дазала дирухели, шинни бицибси гажинна духна някъичирад, яра дяхличирад шинна кунтйри кантйдухъалли, иди шин дазайс асудирутив?

Иди кунтйри, дазайзир дирцес черти мерани (дах, някъби, бекла гъез, къяшми) ицухели кантйдухъи диалли, ишди шуртйри хисабдарес хияжатбиркур: ил гажинна духна ихди кантйдухъунти шинна кунтйрала къадар, цудара яра хунтйенна тунтйила шинна кунтйри кантйдухъалри, илди шинна ранг дехисурдулхъил, яра нарла шинна кунтйри кантйдухъалри, илди шинна тлем бехисурбулхъил, яра илдицад кунтйри тлемла бег кьирла кантйдухъалри, илди шинна тлем бехисурбулхъил. Бехисурбулхъалли, илди гъунтиа шин дазайс асудирар. Гажинна духна дахъал кунтйри кантйдухъунал камти кантйдухъунал балули хейъалли, илди шин асудирар.

Хурматла узби ва рузби!

2012 ибил дуслис «Ас-салам» газеталис къулбасбирес даимбуубли саби.

Газета къулбасбарес вирар чиди-дигара почтала отделенилизиб. Илкъяйдали Дагъиста лерилра районтазибти нушала хянчизартачибад.

«Ас-салам» газета къулбасбирули, Дагъистайзиб Ислам тинтйбирнилизиди хушалара пай кабирхулпрая...

Кьудратла Веги Аллагъли хушала уркъазиб иманра Исламла динничиди дигира имцадараб.

Дусла духнар дурадлухъути газетабала багъни бузри хиясибли дарсдиклар!

Дирхулра, нушала бучантис газета агарли кахлевлан.

Хурматла узби ва рузби!

Динничил дархдасунти, «Ас-салам» редакциялизиди яра даргала «Ас-салам» газетала редакторличиди суалти лердиалли, хушани телефонна ишди гьегъити номерти хиясибли зянкъяхъес дирудая: 8(988)771-58-87, 8(928)522-24-28 (Ислам). Диубсигуна кумекбирехе, иншаАллагъ!!!

Адам вебкйибхели кьулгуличи чум бархи вашес хияжатсив?

Адам вебкйибхели, кьулгуличи вашни, яра ил вебкйибсилес се-биалра бучни чебси ахен, амма вебкйибси илдачи дебали хияжатси сай, хиядислизибра бурули саби вебкйибси мициртала балга-дугъяличиди, мицирсиди адам беркайчи хияжатвирукусиличив дебали хияжатси сай. Ил багъандан кьулгуличи чум бархи вашес вираллира, вашес дебали дурхъаси саби.

Дагъа лебси хули шайтан бухина хебулхъан биклуси бархъив?

Хъайъиб дагъа бихес, хасира дагъа цуба биалли суннат саби. Идбагъ викули сай: «Дагъа – набра дигуси Жабрагил малаиклисра дигуси арцан саби. Дагъани шайтанйзибад юрта ил юргла вегра берцахъили биху ва 16 унраличирти юрта далтахъу». Пурра Идбагъ викули сай: «Аллагълис хиябал тлама дигули сари: дагъала тлама, Къуръай учусила тлама, берхи бухъес камси замана лебай тавбу дирусила тлама». («Фатхул Пяллам»).

Ну изухели нуни дехибала къиблала шайчи шурухъи дарес хейъубра. Нуни илди дехибала черахъили дарес гиягнитив?

Дехибала дирухели, адам къиблала (къиблала) шайчи шурухъес вирули хейъалли, изала багъандан, селизи-биалра вигъи виалли, илини дехибала сай вируси шайчивяхи шурухъи диру, амма гур илди дехибала черахъили дарес хияжатбиркур. («Игъанату ат-Палибин»).

Мижитлар дицес или палтар ибес хайрибару?

Асубирар, эгер илизибад мижитлис зарал хебиалли ва илкъяйда зумали хебирули биалли. Мижитлис илизибад зарал лябкъули биалли, илар палтар ибес асудирар. Балхебикибси (карагъат) саби зумали илди гунта виркъес. («Фатхул Пяллам»).

ДАГЕСТАНСКИЙ ИСЛАМСКИЙ УНИВЕРСИТЕТ ИМЕНИ ШЕЙХА МУХАММАД-АРИФА

ОБЪЯВЛЯЕТ ПРИЕМ АБИТУРИЕНТОВ НА ОЧЕРЕДНОЙ УЧЕБНЫЙ ГОД.



Цель обучения – подготовка специалистов со средним и высшим профессиональным религиозным образованием по направлению «культ исламского вероисповедания» квалификации «священнослужитель исламского культа».

Продолжительности обучения:

в медресе – 3 года;

в университете – 5 лет.

ДОКУМЕНТЫ НЕОБХОДИМЫЕ ДЛЯ ПОСТУПЛЕНИЯ:

- 1) нотариальная копия аттестата или диплома;
- 2) копия паспорта;
- 3) фотокарточки размером 3/4 в количестве пяти штук;
- 4) медицинская справка Ф 086;
- 5) копия прививочного сертификата Ф 156/у-93;
- 6) рекомендация от преподавателя религиозного обучения либо от руководителя мечети (имама) расположенной по месту жительства абитуриента.

ПРИНИМАЕМ ПО АДРЕСУ: Г. МАХАЧКАЛА, УЛ. ДАХАДАЕВА 136

С 1 ИЮНЯ ПО 18 АВГУСТА

Тел.: (8722) 67 55 08; 8(988)294-56-16

Чархличиб барибси сурат (наколка, татуировка) леб-биалли дазала-дехибала детарутив?

«Игъанату Палибин» жузлизиб белки саби: «Чархла камлис зарал бетхлеури биалли сурат (татуировка) убасес чебиркур. Урглебси агилизиб ил убасес гиягнили ахен. «Буджайримилизиб» бурули саби: «Балугълавааччи сурат барибси биалли ил убхесесра асубирар. Убасес гиягниси агилизиб ил баталли дехибала детарути ахен» («Игъанату Палибин», № 4\55).

Рузнама

Июнь

дни	Утрений Ас-Субх	восх.	Обеден. Аз-Зугър	После-обеден. Аль-гласр	Вечерн. Аль-Магъриб	Ночной Аль-гйшаъ
1	2:57	5:11	12:47	16:49	20:23	22:18
2	2:56	5:10	12:47	16:49	20:24	22:19
4	2:54	5:09	12:47	16:50	20:25	22:21
6	2:52	5:09	12:48	16:51	20:26	22:23
8	2:51	5:08	12:48	16:51	20:28	22:26
10	2:49	5:07	12:48	16:51	20:29	22:28
12	2:49	5:06	12:49	16:52	20:30	22:29
14	2:47	5:06	12:49	16:53	20:32	22:31
16	2:47	5:08	12:50	16:54	20:32	22:32
18	2:47	5:08	12:50	16:54	20:32	22:33
20	2:47	5:08	12:51	16:55	20:32	22:35
22	2:47	5:08	12:51	16:55	20:32	22:35
24	2:47	5:09	12:51	16:55	20:33	22:34
26	2:50	5:10	12:52	16:56	20:34	22:34
28	2:50	5:10	12:52	16:56	20:34	22:34
30	2:52	5:11	12:52	16:56	20:34	22:33